

Gagnatölflur váttryggingafélaga - fjórði ársfjórðungur 2018

Inngangur

Fjármálaeftirlitið hefur birt gagnatölflur váttryggingafélaga á samandregnu formi miðað við lok árs 2018. Hér að neðan er að finna samantekt á þróun helstu stærða úr rekstri skaðatryggingafélaga og líftryggingarfélaga á fjórða ársfjórðungi. Þá er hér jafnframt að finna samanburð á samsettu hlutfalli, kostnaðarhlutfalli og samsetningu eigna váttryggingafélaga innan EES eftir ríkjum. Frekari tölfræði um rekstur evrópskra váttryggingafélaga má nálgast á vef Evrópsku váttrygginga- og lífeyrissjóðseftirlitsstofnunarinnar (EIOPA) [hér](#).

Skaðatryggingafélög – fjórði ársfjórðungur 2018

Iðgjöld tímabilsins í eigin hlut námu 60 ma. kr. við lok fjórða ársfjórðungs ársins og aukast um 9,72% frá sama tíma í fyrra.

Tap af skaðatryggingastarfsemi nemur 1,49 ma. kr. á árinu 2018 samanborið við 1,55 ma. kr. tap á árinu 2017. Samsett hlutfall skaðatrygginga (í eigin hlut) nam 102,5% við lok fjórða ársfjórðungs 2018 en var 102,8% á sama tímabili í fyrra. Samsett hlutfall lögbundinna ökutækjatrýgginga var 106,7% og 94,12% í öðrum ökutækjatrýggingum.


Heildareignir skaðatryggingafélaga námu 135,3 ma. kr. á fjórðungnum samanborið við 138 ma. kr. á þriðja ársfjórðungi. Þá lækkar váttryggingaskuld, fyrir hlut endurtryggienda, úr 81 ma. kr. í 76,9 ma. kr. á milli fjórðunga.

Eignir umfram skuldbindingar á Solvency II efnahagsreikningi¹ lækka um 5 ma. kr. í 48,3 ma. kr. samanborið við 53,8 ma. kr. árið áður.


Fjárfestingareignir skaðatryggingafélaga námu 113,8 ma. kr. á fjórða ársfjórðungi ársins 2018 og lækka um 1,1 ma. kr. frá sama tímabili í fyrra. Hlutabréf lækka um 7,2 ma. kr. milli ára og þá lækka ríkisskuldabréf um 5,1 ma. kr. milli ára. Flokkurinn „fyrirtækjaskuldabréf“ eykst um 4,4 ma. kr. milli ára.

Gjaldþolshlutfall (SCR %) skaðatryggingafélaga hækkar um 10 prósentustig milli ára, úr 143% í 153%.

¹ Solvency II efnahagsreikningur byggir á uppgjörsaðferðum eigna og skuldbindinga í samræmi við kafla XIII. og XIV. í lögum nr. 100/2016 um váttryggingastarfsemi.



Mynd 1: Samsetning fjárfestingareigna skaðatryggingafélaga eftir tegund.



Mynd 2: Grafið hér er að ofan er s.k. kassarit (e. box plot) sem sýnir dreifingu gjaldþolshlutfalls. Gjaldþolshlutfall er hlutfall gjaldþols og gjaldþolskröfu (SCR) skv. lögum um váttryggingastarfsemi. Miðlína kassans tákna miðgildi gjaldþolshlutfalls, neðri mörk kassans tákna fyrstu fjórðungsmörk gjaldþolshlutfalls og efri mörk kassans tákna þriðju fjórðungsmörkin. Blái punkturinn í kassanum sýnir meðaltal gjaldþolshlutfalls.

Líftryggingafélög – fjórði ársfjórðungur 2018

Iðgjöld ársins í eigin hlut námu 4,9 ma. kr. og aukast um 4,8% milli ára.

Heildareignir samkvæmt Solvency II efnahagsreikningi námu 18,50 ma. kr. samanborið við 18,55 ma. kr. á sama tímabili í fyrra.


Vátryggingaskuld líftryggingafélaga án söfnunartrygginga nam 4,5 ma. kr. og er óbreytt frá fyrra ári.

Hagnaður líftryggingafélaga nam 2,1 ma. kr. á árinu 2018 samanborið við 1,67 ma. kr. hagnað árið á undan. Jákvæð afkoma var í öllum greinum líftrygginga. Samsett hlutfall líftryggingafélaga nam 57,3% á árinu 2018 og lækkar frá fyrra ári þegar hlutfallið var 64,2%.


Eignir umfram skuldbindingar á Solvency II efnahagsreikningi námu 6,2 ma. kr. samanborið við 6,6 ma. kr. árið á undan.

Fjárfestingareignir líftryggingafélaga námu 10,2 ma. kr. við lok ársins 2018 samanborið við 10,3 ma. kr. á sama tímabili í fyrra.

Gjaldþolshlutfall (SCR) líftryggingafélaga var 221% og hækkar frá sama tíma í fyrra þegar hlutfallið var 206%.




Mynd 3: Samsetning fjárfestingaeigna líftryggingafélaga eftir tegund. Fjárfestingar með fjárfestingaáhættu líftryggingataka eru undanskildar í yfirlitinu.




Mynd 4: Grafið hér er að ofan er s.k. kassarit (e. box plot) sem sýnir dreifingu gjaldþolshlutfalls. Gjaldþolshlutfall er hlutfall gjaldþols og gjaldþolskröfu (SCR) skv. lögum um váttryggingastarfsemi. Miðlína kassans táknar miðgildi gjaldþolshlutfalls, neðri mörk kassans tákna fyrstu fjórðungsmörk gjaldþolshlutfalls og efri mörk kassans tákna þriðju fjórðungsmörkin. Blái punkturinn í kassanum sýnir meðaltal gjaldþolshlutfalls.

Samanburður við önnur váttryggingafélög á EES – þriðji ársfjórðungur 2018


Á meðfylgjandi myndum má sjá samanburð á samsetningu eigna váttryggingafélaga eftir ríkjum EES og hvort um er að ræða skaðatryggingafélög eða líftryggingafélög. Þá er einnig sýnt samsett hlutfall skaðatryggingafélaga eftir löndum. Athygli er vakin á að upplýsingar miðast við þriðja ársfjórðung 2018. Frekari tölfræði um rekstur evrópskra váttryggingafélaga má nálgast á vef EIOPA [hér](#).



Mynd 5: Samsetning fjárfestingaeigna skaðatryggingafélaga eftir tegund.



Mynd 6: Samsetning fjárfestingaeigna líftryggingafélaga eftir tegund.



Mynd 7: Samsett hlutfall og kostnaðarhlutfall skaðatryggingarfélaga eftir ríkjum EES.